

ZAPISNIK SA 17. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 22.12.2020. GODINE

Prisutni: Damir Smital; Neda Tadić; Džemal Kahrica; Elvis Čengić; Ekrem Agić; Edis Fočo; Rifat Kukić; Dragan Miljević; Merima Kurtović Pašalić; Josip Sogović; Samir Gadžo; Mubera Herac Nihad Arnautović; Mensud Grbo
Odsutni: Mustafa Baručija; Sadin Kavazović; - **opravdano**
Omer Bukić - **neopravdano**

Dnevni red:

1. Zapisnici sa 16. redovne i 5. vanredne sjednice
2. Aktuelna situacija u BHRT-u
3. Skupština (priprema)
4. Finansije
 - Izvještaji blagajnika (D. Karšić)
 - Adriatic
 - Izvještaj o kupovini promotivnog materijala (D.Smital)
 - Penzioneri
5. Pomoć
6. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, u 12.34. sati otvorio 17. sjednicu UO SSR u BHRT-u Dnevni red je jednoglasno usvojen kao i zapisnik sa 16 redovne i 5.vanredne elektronske sjednice UO sindikata.

AD 2. Dz.Kahrica je informisao sindikat da je 11.12.2020. godine održan sastanak sa menadžmentom na kojem su prisustvovali generalni direktor, pomoćnica za razvoj, N.Tadić i Dž.Kahrica. Zbog nedostatka sredstava (1200000 je manja naplata RTV takse u odnosu na prošlu godinu, odnosno oko 98000 manje na mjesečnom nivou) umanjeње 10% plate ostaje do daljnjeg. Tada na sastanku je rečeno da će se pokušati pronaći način da se osiguraju sredstva za “zimmnicu” za uposlenike. Za djecu uposlenika starosti do 10 godina obezbjediti će se sredstva u iznosu od 30 KM za paketiće na način uplate na račune uposlenika. Menadžment je informisao sindikat da je zdravstveno osiguranje uplaćeno do kraja septembra 2020.godine dok je PIO zaključno sa julom 2020.godine. Zbog loše finansijske situacije ponovno je donešena odluka o karti za prijevoz odnosno obračunu po broju radnih dana. Ono što je rečeno da će se pokušati riješiti da se ova odluka ne odnosi na uposlenike koji imaju puni fond sati.

D.Smital je informisao UO da je održan još jedan 21.12.2010 godine na kojem su prisutni bili generalni direktor, pomoćnica za razvoj, N.Tadić, Dž.Kahrica i D.Smital. Menadžment je informisao sindikat da neće biti isplate “zimmnice” ove godine. Iznijeti su kako je istakao D.Smital svi argumenti kao sa prošlog sastanka i zbog kupovine hd opreme i uplate pdv-a za istu nisu u mogućnosti uplatiti sredstva za “zimmnicu” za radnike. Sindikat je iznio nezadovoljstvo radnika zbog umanjenja plate, zimmnice kao i odluke za naknadu za prijevoz. Menadžment je obavio razgovore sa menadžmentom BHpošte u vezi naplate RTV takse obzirom da je od januara 2021.godine na snazi novi način plaćanja električne energije koji će se placati na šalterima BH pošte. Menadžment je dostavio svoje primjedbe na kolektivni ugovor sindikatu koji je zajedno sa pravnim zastupnikom dostavio odgovore na primjedbe menadžmentu. Preliminarno je dogovoreno da se naprave pregovarački timovi za neka pitanja u kolektivnom ugovoru kako je istakao D.Smital iza praznika koji slijede. Obzirom da je R.Kukić poslao inicijativu u vezi dopisa OHR-u, sindikat je od menadžmenta tražio da se dostave informacije o finansijskoj situaciji a koje bi bile značajne za dopis R.Kukića.

D.Smital je informisao UO da je dobio dopis povjerenika podružnice PEP a isto je pročitao na UO. D.Smital je obavjestio članove UO iz PEP-a o primljenom mailu i tada je od S.Kavazovića dobio informaciju da je stigla HTZ oprema. E.Fočo je informisao UO da nije prisustvovao na sastanku koji je organizovao povjerenik podružnice PEP-a a što se tiče problema koji su navedeni u dopisu kako je i rekao E.Fočo, navedeni problem su prisutni niz godina tako da to nije ništa novo.

N.Arnautović je predložio da se uputi dopis sindikatu BH pošte u vezi naplate takse kako bi podržali rad BHRT-a i samih radnika prilikom naplate takse. D.Miljević je predložio da se uputi podružnicama na mišljenje ova informacija menadžmenta u vezi zimmnice. M.Kurtović Pašalić je predložila da se još jednom uputi dopis menadžmentu i istakne nezadovoljstvo radnika.

Nakon duže rasprave u kojoj su učestvovali J.Sogović, N.Arnautović, R.Kukić, Dž.Kahrica, E.Fočo i D.Miljević, D.Smital je pozvao generalnog direktora na sjednicu UO.

Generalni direktor je još jednom potvrdio da ove godine neće biti uplate “zimmnice” za uposlenike zbog jako loše finansijske situacije odnosno naplate rtv takse. Od februara mjeseca prihod takse je manji za oko 100000KM u odnosu na prošlu godinu. BHRT je u proteklom periodu bez obzira na finansijsku situaciju, investirao u hd opremu i zajedno sa Federalnom TV u narednom periodu program oba servisa će se u kabl operaterima emitovati u HD signalu.

Od prvog januara Elektroprivreda ukida sve naplatne šaltre tako da se naplata prebacuje na pošte i banke. Prošle sedmice je održan sastanak sa direktorom BH pošte i dogovoreno je kako je istakao B.Karamehmedović da se manipulacija sa računima svedu na najmanju moguću mjeru. Nakon dugo vremena je realizovan tender za HTZ opremu koja je podjeljena na lotove i u narednom periodu će se podijeliti po sektorima.

D.Smital se zahvalio generalnom direktoru na dolasku na sjednicu UO s nadom da će početi pregovori o Kolektivnom ugovoru.

J.Sogović je napustio sjednicu zbog dispozicije rada u 13.40 sati i N.Tadić zbog zakazanog sastanka u 13.52.sati. Obzirom da menadžment ove godine nije u mogućnosti radnicima isplatiti "zimmnicu", D.Miljević je predložio da sindikat svojim članovima izdvoji po 50 KM kao poklon bon. Nakon kraće rasprave, za prijedlog D.Miljevića je glasalo 1 za, 9 protiv i 2 suzdržana. Ovaj prijedlog nije dobio podršku UO Sindikata. Prijedlog N. Arnautovića je dopunjen i umjesto dopisa sindikatu BH Pošta, M.Kurtović Pašalić će pokušati dogovoriti sastanak delegacija sindikata. Ovaj prijedlog je usvojen jednoglasno. R. Kukić je predložio da se uputi dopis OHR-u obzirom da je on u proteklom periodu imao susret sa visokim predstavnikom koji je pohvalio rad uposlenika BHRT-a i kako je istakao R.Kukić dao obećanje da će pomoći Javnom servisu i njegovim uposlenicima. Obzirom da je sindikat od menadžmenta tražio podatke vezane za finansije, D.Smital je predložio da se dopis uputi nakon što se prikupe svi relevantni podaci. E.Čengić je istakao da je sindikat već nekoliko puta slao dopise OHR-u na koje nije dobijen niti jedan odgovor i mišljenja je da je ovo posao menadžmenta a ne sindikata. M.Kurtović Pašalić je podržala ovaj prijedlog i smatra da je potrebno poslati isti i na adresu OSCE-a. Nakon kraće rasprave, za prijedlog R.Kukića uz dopunu D.Smitala je glasalo 9 za, 1 protiv i 2 suzdržana. Ovaj prijedlog je dobio podršku UO Sindikata.

AD 3 . UO sindikata je usvojio da za Skupštinu sindikata Izvještaj o radu za 2020.godinu pripremi izvršni sekretar dok će predsjednik sindikata pripremiti Program rada za 2021.godinu. Izvještaj o podjeli pomoći za 2020.godinu su već pripremili M.Herac i E.Čengić.

AD 4. Blagajnički izvještaj D.Karšić za oktobar i novembar 2020. godine su primljeni k znanju.

M.Herac je izvjestila UO da je u oktobru mjesecu evidentirano 4 registracije vozila odnosno 5 u novembru mjesecu. Dž.Kahrica je izvjestio UO da povrat sredstava od Adriatic osiguranja sa kojim sindikat ima ugovor o saradnji za registraciju vozila od 20.12.2019. do 20.12.2020. godine iznosi 1364, 87 KM. UO Sindikata je jednoglasno usvojio Odluku o ukupnom utrošku sredstava za kupovinu promotivnog materijala u iznosu 1921,47 KM. Izvještaj je podnio D.Smital. UO Sindikata je jednoglasno donio Odluku o poklonu članovima sindikata koji su otišli u penziju. Upravni odbor odobrava sredstva za poklon članovima sindikata koji odlaze u penziju u 2020-toj godini u iznosu od po 200 KM. Za provođenje ove odluke zadužuju se izvršni sekretar za dostavljanje spiska, povjerenici podružnica za obavještanje članova i Diša Karšić za uplatu članovima navedenog iznosa na račun. Izvještaj o utrošenim sredstvima će biti podnesen na sljedećoj redovnoj sjednici sindikata.

AD 5. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec decembar dobiju slijedeći članovi: Biljana Šarić 500KM (III dio), Samir Macić 350KM (III dio), Ismet Pavlović 500KM, Zukaj Nazmi 300KM, Sabina Sačić 200KM. Ukupno 1850,00KM. Prijedlog komisije je usvojen sa 11 glasova za, jedan član UO nije glasao.

AD 6. E.Čengić je predložio da se uputi inicijativa menadžmentu da se odobri rekonstrukcija memorijalne ploče ubijenim radnicima na ulazu u RTV Dom a koja je već dotrajala. U slučaju na pozitivan odgovor menadžmenta, E.Čengić je predložio da se pronadju ponude izvodjača i na koji način bi se to moglo uraditi. Ovaj prijedlog je jednoglasno usvojen.

D.Smital je zaključio 16.sjednicu UO Sindikata u 14.55.sati.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital